

تونس چيپتا

# Tunas Cipta

Sastera Generasi Baharu

Bil. 04/2022

*Hasni  
Jamali*

Kisah yang Menjelajah  
di Corong Resapan Jiwa



tunasciptaDBP  
majalahTC04  
#MalaysiaMembaca

KK 800-91822-0422  
ISSN 1511-9998



9 771511 999060



DBP

Semenanjung Malaysia: RM5.00 • Sabah/Sarawak: RM5.50 • Brunei Darussalam: B\$5.00 • Singapura: S\$5.00

**TUNAS KATA**  
Mengisi Surat-an  
Penulisan Kreatif  
Nur Akmaliah Alias

**PUISI**  
Adikku Sayang  
Ellister Cherembang

**Amanah**  
Muhamad Asyraf Azizan

**Angin**  
Noor Azrina Yahya

**Dalam Diam**  
Nurul Jiha Jayosman

**Ikrar Generasiku**  
Fty Roland

**Bunga Lotus**  
Muhammad Zulfiqrie Yusop

**Sempurna**  
Siti Nur Aishah Mat Hussin

**Geruh Hujan**  
Nizhamuddin

**Maafkan Kami**  
Muziman Syah

**Sebuah Catatan di  
Halaman Kemboja**  
Mohamad Faiz Rifin

**Antara Khalayak**  
Asilah Jamil

**Serambi Bonda**  
Nazrul Aziz

38

42

**Tangga ke Bulan**  
Aina Mastura Mohamed Saaid

**Terima Kasih Emak**  
Arif Haiqal Roslan

**Tumpahan Rindu dalam  
Sajak Sederhana**  
Mohilis

### CERPEN

**Salah Menjadi Tidak Tahu**  
Nor Fadhilah

**Dilema Naziha**  
Nur Amynasuha

**Takdir Cinta**  
Faridah Mohd Tap

48

52

56



**Senandung Kian Mendayu**  
Pui Wen Hang

### ISTILAH SEMASA

60  
64

## Maafkan Kami

Tatkala hujan membasahi bumi  
dianggap itulah kitaran alam  
tanpa ada sedetik curiga  
malah hati lalai mengingati-Nya.

Titisan hujan mencurah-curah  
disangka seketika sahaja  
sinar matahari tiada kelihatan  
suasana suram mula menyelubungi.

Air bergenang meningkat pantas  
arus deras membadai alam  
mencuri segenap ruang  
mengepung seluruh pelosok  
menghapus pandangan dari kejauhan.

Teriakan sana-sini menerjah  
anak kecil menggigil kelaparan  
esak tangis kedengaran  
riak haru terhampar jelas  
mengharap suria muncul kembali.

Sinar bantuan tiada kunjung  
terus merintah sedikit ihsan  
ada yang hanyut ditelan arus  
ada yang hilang tanpa petanda  
itulah kuasa Yang Maha Esa.

Kami insan kerdil  
sungguh perit ujian ini  
apakah hukuman buat si alpa?  
Tiada terdaya menghadapi.

Ya Allah  
kami mohon perlindungan-Mu  
nusa kami sedang menangis  
dek dugaan hebat ini  
remuk jiwa sukar diubati  
sakit luka tiada terperi.

Maafkan kami  
sebelum ini  
kami tiada peduli  
membiarkan si liar rakus  
kian ligat membaham alam.

Maafkan kami  
kami turut lalai  
banyak mungkar terjadi  
tragedi ini menjentik hati  
menyesali segala kejahatan.

Maafkan kami  
Ya Allah, Yang Maha Suci  
kepada-Mu kami kembali.

**Muziman Syah**

## Sebuah Catatan di Halaman Kemboja

Pada masa ini  
aku teringat suatu ketika dahulu  
ibu selalu memimpin tanganku  
kadang-kala aku merengek meminta  
ibu cepat-cepat mendukung memeluk erat  
pada saat itu terbitnya kasih buatmu.

Masa menjengah begitu cepat  
sekelip mata aku kehilangan ibu  
genang air mata  
menitis di lembah pusara itu  
aku menangis bagai hilang semuanya  
di manakah lagi tempat untuk aku bersandar  
ke manakah lagi harus aku mengadu  
adakah aku mampu meneruskan hidup ini?

Ibu ...  
di halaman kemboja ini  
aku melihat sebuah wajah yang tenang  
saat engkau diangkat dan diturunkan  
air jernih ini tidak lagi berhenti  
teringat akan derita yang engkau tanggung selama ini.

Ibu walau apa pun jua engkau tetap di hatiku  
di penghujung dunia ini engkau pergi dengan rela  
rehatlah ibu ...  
rehatlah untuk selamanya  
akanku terus tabur kemboja ini di singgahsanamu  
biarpun ia tidak menjadi ranting yang sentiasa berzikir  
namun harumannya itu terus mekar  
semekar kasihmu buat insan tercinta.

**Mohamad Faiz Rifin**

## Antara Khalayak

Antara khalayak keriuhan ini  
kita teliti persamaan  
tidak kurang menilik perbandingan  
absahkan dalam lingkungan  
cari diri yang samar.

Jauh menerawang di segenap ruang  
dengan bekalan pedoman  
bahawa perjalanan ini pilihan  
dihimpit antara dilema.

Antara khalayak dikeriuhan ini  
kita memilih menjadi diri sendiri.

**Asilah Jamil**